

# VICTORY HMONG ALLIANCE CHURCH

*“Be imitators of Christ living together in victory”*

1 Corinthians 11:1; 15:57-58



602 Acewood Blvd - Madison, WI - 53714 - [www.victoryhmong.org](http://www.victoryhmong.org)

**TSAVNTAWV TSHAJXO (NEWSLETTER)**

**JULY 2021**



## SENIOR PASTOR:

Kx. Tswv Tub Vwj

Nyob zoo cov ntseeg sawvdaws. Vam hais tias nej txhua tus yuav

noj qab nyob zoo. Vajtswv yeej yog tus zoo txhua lub sijhawm vim nws yeej yog lub ntsayeej tivthaiv peb txhua lub sijhawm. Txawm peb nyuam qhuav dhau tus kabmob COVID-19 no zujzus thiab sawvdaws tabtom hno tshuaj coob zujzus xwb los ntau yam rov yoojyim rau peb ua neej dua lawm. Yog li kuv ntseeg hais tias nej sawvdaws yuav rov tuajsiab thiab muaj kev kajsiab. Cia peb txhob cia ib yam dabtsi yuav ua qhov tav peb kev ua neej, tshwjxeeb yog ua lub neej khovkho rau ntawm peb tus Vajtswv Yexus. Cia peb nco Nws tej kev pabcuam thiab kev foom koobhmoov rau peb. Twb yog vim Nws txojkev hlub thiab kev nyob nrog rau peb, peb sawvdaws thiaj tseem ua ntau yam tiav rau peb tsevneeg thiab rau pawgntseeg.

Thov ua cov Tsavxwm txhua tus tsaug uas muaj lub zeemmuag thiab kubsiab lug nrhiav lub tsev xibhwb thib ob. Kuv ua nej cov tswvcuab txhua tus tsaug vim sawvdaws txojkev hlub xibhwb es peb pawgntseeg thiaj yuav tau lub tsev xibhwb thib ob los ua qhov chaw rau tus xibhwb pab nyob. Peb twb kaw (closed) rau lub tsev rau tim 1, lub 7 hli dhau los no lawm. Thiab Xh. Isaiah thiab niam xibhwb nkawd twb

tshais mus nyob lawm. Ua tsaug rau nej txhua tus. Thov Vajtswv foom koobhmoov rau nej sawvdaws!

Ua tsaug rau Tl. Tsaav Ntxawg Hawj nkawd ob niamtxiv uas hlub pawgntseeg es thaum peb nrhiav tsis tau lub tsev peb yuav taus, nkawd txaus siab muab nkawd lub tsev muag pab rau pawgntseeg. Thov Vajtswv foom koobhmoov rau neb.

Ua tsaug rau Nixon Vaj thiab Xeev Pov Hawj uas yog ob tug pab ua txhua yam ntaub ntawv thiab khiav haujlwm rau kev yuav lub tsev xibhwb thib ob no. Txhua yam tiav log yog nkawd pab. Thov Vajtswv foom koobhmoov rau neb.

Lub tsev xibhwb thib ob yog lub no thiab ob tog ntawm tus muag thiab tus yuav lub tsev yog muaj li no.

Nyob Cottage Grove, WI



**Tus muag:** Tl. Tsaav Ntxawg & N. Tsaav Ntxawg Hawj

**Ob tug sawvcev pawgntseeg:**  
Nixon Vaj & Xeev Pov Hawj  
(Closed on July 1, 2021)

## **TXOJLUS TXHAWBZOG: “Peb Dim Lawm Tiag Tiag!”**

Tus Sau: Kx. Tswv Tub Vwj

**Loos 8:2** hais tias, *“Rau qhov Vaj Ntsujplig tus uas koj peb los nrog Yexus Khetos koom ib txojtia twb tso peb dim ntawm txojkev txhaum thiab toxjkev tuag lawm.”*

Lub 7 hli no yog peb tig los ua koobtsheej nco txog qhov lub tebchaws Amelikas no tau txais kev ywjpheej (freedom) tsis nyob qab tswjfwam rau ntawm Akis tebchaws lawm. Txij li lub 7 hli, tim 4, xyoo 1776 los; tebchaws Amelikas no muaj kev ywjpheej uas tsis raug Akis tswj thiab tsis tau them se rau Akis lawm. Tibneeg nyob tebchaws no yuav ua li cas los nyob ntawm lub tebchaws no.

Rau peb tibneeg ntiajteb txhua tus, hnuv Yexus tuag saum tus ntoo khaublig thiab sawv hauv qhovtuag rovqab los, nws muab tau kev ywjpheej (freedom) rau peb. Tus uas txais yuav Yexus ua nws tus Cawmseej thiab tus Tswv, tus ntawd tau raug Yexus muab nws rho tawm ntawm kev txhaum thiab dab Ntxawgnyoog kev caijtsuj los rau kev ywjpheej lawm. Yexus yog tus tau tso peb dim ntawm dab kev taij noj taij haus, dab kev quabyuam, dab kev tsimtxom, dab kev ua phem rau peb, thiab qhov yuav raug mus nrog dab nyob ntuj tawg mus ibtxhis lawm. Nyob rau ntawm Yexus, peb los txais kev hlub, kev zamtxim, kev tabncuab, kev tivthaiv, kev povhwm, thiab tau txojtia mus ibtxhis rau Vajtswv txojkev zoo nyob rau ntuj ceebtsheej. Peb lub neej nyob rau ntawm Yexus tsis zoo li lub neej nyob rau kev dabqhua lawm. Lub neej teev dabqhua yog lub teevtiam dab los ntawm kev tua tsiaj fij rau dab, kev yuav laig rau dab noj dab haus, yuav tso plig, yuav tau tua tsiaj loj thiab poob nyiajtxiag ntau mas thiaj yuav tsis raug dab tsimtxom. Kevcai dabqhua yog lub neej nyob nrog kev ceefaj kom txhob ua phiv dab lossis yog lub neej

yuavtsum teevtiam dab xwb. Yog ib tug twg ua ib qho me me phiv dab, dab yeej tsis zamtxim li, vim dab tsis muaj kev hlub. Nws yuav ua rau tus ntawd raug teebmeem kom yuavtsum fivyeem, ua neeb kho, tua tsiaj fij rau dab lossis saibyaig xwb thiaj tag. Lub neej nyob rau dab lub xibteg yog lub uas ua neej tuavplig rawv thiab ntshai xwb. Tiamsis lub neej ywjpheej uas Yexus koj peb los rau yog qhov peb tsis muaj qhov txhawj hais tias tsam peb ua phiv Vajtswv. Peb tsis muaj qhov ntshai tsam peb ua tsis tau zoo txog qhov txaus Vajtswv nyiam. Qhov Yexus los rau lub ntiajteb no ces twb yog los tso peb kom peb dim txhua yam phem no ntag. Yexus yog tus muaj kev hlub thiab kev zamtxim puvntoob rau peb. Twb yog peb tsis muaj peevxwm tso peb tawm ntawm dab, Yexus thiaj yuavtsum los. Vim peb tsis txawj ua zoo puvntoob, Yexus tus zoo puvntoob thiaj yuavtsum los pab peb. Vim peb tso tsis tau peb dim ntawm dab txhais tes vim peb tibneeg tsis mloog Vajtswv lus es tau poob mus rau dab lawm, Yexus thiaj yog tus muaj hwjchim puvntoob yuav tso tau peb dim ntawm dab los xwb. Los ntawm Yexus kev tuag thiab kev sawv hauv qhovtuag rovqab los, Nws tso tau peb dim thiab cawm tau peb. Nws muab tau kev ywjpheej rau peb mus ibtxhis. Yog li Yauhas 8:36 thiaj hais tias, *“Yog hais tias Leejtub tso koj dim, koj yuav dim tiag.”* Nqe no qhia meej hais tias tus txais Yexus lawm, tus ntawd tau txais txojkev cawmdim lossis kev ywjpheej uas Yexus muab. Vim Yexus yog tus los tso peb dim.

Cov phoojywg! Yexus los yog los muab kev cawmdim uas yog kev ywjpheej rau peb kom peb txhob raug dab Ntxawgnyoog caijtsuj peb lawm. Yexus yog tus koj tau peb ntawm kev ua qhev rau dab los muaj kev ywjpheej ua neej kajsiab lug rau txojkev hlub thiab kev zamtxim.

Kuv ntseeg hais tias peb txhua tus tibneeg yeej xav tau kev ywjpheej, kev zamtxim thiab kev hlub xwb. Dab yeej

muab tsis tau peb yam no rau peb. Tsuas yog Yexus xwb thiaj muab tau rau peb, vim nws yog tus muaj peb yam no.

Yog koj twb tau txais kev ywjphee rau ntawm Yexus lawm, cia li ua Nws tsaug. Yog koj tseem xav tau kev ywjphee ntawm Yexus, cia li caw Yexus los ua koj tus Cawmseej thiab tus Tswv thiab kom Nws muab Nws txojkev ywjphee rau koj hnuv no.

Yexus yog tus tso peb dim, peb dim lawm tiag tiag!



**ASSOCIATE  
PASTOR  
Xh. Isaiah Thor**

Dear Victory Hmong Alliance Church,  
What a fun filled

summer that we have had so far! I am grateful for God's mercy in our lives as things are slowly but surely going back to normal. It has been so good to be able to fellowship and have regular activities with the church and our youth. God has reminded me of how sweet and nurturing community is.

My wife and I have finally moved into our new church parsonage. We just want to thank the Governing Board for their relentless effort and love of making sure that my wife and I are taken care of. We are beyond grateful for our church family that constantly prays for us and blesses us with words of encouragement, food, and monetary gifts. God often humbles me through your faithfulness in loving Him and taking care of His servants. May the Lord continue to bless our church family with His Spirit and Truth.

In this moment as I am writing to you; I am with our Youth and SA group at Indiana State University for HLUB. It has been a complete joy for me to see how much

our young people have grown. What a blessing it has been to walk along side of them and see God working within their lives. Thank you parents, older brothers and sisters, aunts and uncles, grandma and grandpa, and church family for raising up the next generation of believes together as a church. I would not be able to minister to these young ones as I do without your partnership in advancing the Kingdom of God together.

We will resume Friday Night Gatherings in September. If you have any further questions please feel free to reach out to me at [Isaiahhythor@gmail.com](mailto:Isaiahhythor@gmail.com) or 608-577-0578. May God bless you and your family!

**LUS TSHAJTAWM:**

1. Twb tau 4 xyoos los no lawm, yog li lub Rooj Tsavxwm xav kom peb cov tswvcuab rov ua ntaubntawv ua tswvcuab dua (renew membership). Peb muaj cov ntawv (application) nyob rau tom tuamtsev, nram lub rooj nram qab. Thaum nej tuaj church, thov nej muab koj mus suam thiab xa rov qab tuaj rau Kx. Tswv Tub lossis Kl. Nchaiv Daus Hawj.
2. Cov sawvcev hauv pawgntseeg mus rau Hauvpaus Kooshaum Hmoob yuav los tshajxo txog haujlwm rau lub 8 hli, tim 8. Yog li xav kom sawvdaws tuaj koom kev pehawm Vajtswv rau hnuv ntawd es thiaj yuav hnov kev tshajxo.
3. Tamsi no cov ministries lossis tej phab peb qhib rau hauv pawgntseeg rau cov ntseeg tuaj koom uake yog cov no:
  - a. Kev pehawm Vajtswv rau hnuv Hnubkaj.
  - b. Cov Niamtsev kev txoos uake thiab kev pehawm Vajtswv uake.
  - c. Cov Txivtsev kev txoos uake thiab kev pehawm Vajtswv uake.

- d. Cov hluas kev txoos uake thiab kev pehawm Vajtswv txhua hnuv Friday tsausntuj.
- e. Kev kawm Vajluskub thiab kev thov Vajtswv uake rau hnuv Wednesday tsuasntuj rov qhib lawm. Thov caw sawvdaws tuaj koom. Yog nej muaj kev cheemtsum rau kev thov Vajtswv pab rau nej li cas no los tuaj nrog peb koom uake.

- 6. Yog nej cov ua niam ua txiv leejtwg xav fij menyuum rau Vajtswv no, thov hais rau Kx. Tswv Tub paub.
- 7. Ua tsaug rau nej txhua tus kev thov Vajtswv thiab kev pab nyiajtxiag rau pawgntseeg kev yuav lub tsev xibhwb thib ob. Peb yuav tau lub tsev lawm li tau hais saum toj ntawd.

## BIBLE QUIZ

- 1. Ixaj tuag thaum nws muaj tsawg xyoo?
  - A. 70 xyoo
  - B. 80 xyoo
  - C. 100 xyoo
  - D. 180 xyoo

*\* Mus saib hauv Chivkeeb 35:28*
- 2. Lehas (Rahab) ua li cas rau ob tug tub xwj uas Yausuas xa mus sojntsuam tebchaws?
  - A. Muab nkawd rau tus vajntxwv
  - B. Muab nkawd nrais nkaum
  - C. Muab nkawd tua povtseg
  - D. Muab nkawd kaw rau tom tsev lojcu

*\* Mus saib hauv Yausuas 2:6*
- 3. Malis, Yauxej, thiab Yexus lawv nyob rau tim Iziv tebchaws txog lub sijhawm tus vajntxwv twg tuag lawv mas rov los rau Yeluxalees?
  - A. Falaus
  - B. Xexas
  - C. Helauj
  - D. Yauxej

*\* Mus saib hauv Mathais 2:19*

## THOV VAJTSWV RAU (PRAYER ITEMS):

- 1. Thov Vajtswv pab rau cov tswvcuab uas muaj mob. Peb kuj muaj cov hluas thiab cov laus uas muaj mob. Yog li thov sawvdaws pab thov Vajtswv rau lawv.



- 2. Thov vajtswv pab rau Hauvpaus Kooshaum Hmoob lub rooj cobqhia rau cov xibhwb thiab niam xibhwb uas yuav muaj rau thaum lub 8 hli, tim 19 txog rau 22.

### QUOTE:

*“Peb kev ywjpheej yuavtsum muaj tus them rau mas thiaj yuav tau. Tus ntawd yog Yexus”*

*“There is a price for our freedom. The price is pay by Jesus.”*

~ Kx. Tswv Tub Vwj ~

### Hauvpaus Kooshaum Hmoob Rooj Sablaj Txwmxyoo Zaum 42 nyob rau Milwaukee, WI (July 4-9, 2021)



### COV SAWVCEV (DELEGATES):

**Front Row (Left to right):** N. Txoov Sawm Hawj, N. Npis Lis, N. Kx. Tswv Tub Vwj  
**Back row: (Left to right):** Xh. Isaiah Thoj, Npis Lis, Kx. Tswv Tub Vwj, Nixon Vaj